

女科準繩 三之二

襍證門下

續照

積聚癥瘕

古方有五積六聚七癥八瘕之名五藏之氣積名曰積故積有五六府之氣聚名曰聚故聚有六雜病準繩言之詳矣若夫七癥八瘕則婦人居多七者火數屬心蓋血生於心八者木數屬肝蓋血歸於肝雖曰強分理似不混夫癥者堅也堅則難破瘕者假也假物成形古人將婦人病爲癥疾以蛟龍等爲生瘕然亦不必如此執泥婦人癥瘕並屬血病龍蛇魚鼈肉髮蝨瘕等事皆出偶然但飲食間誤中之留聚腹臟假血而成自有活性亦猶永徽中僧病噎者腹中有

一物其狀如魚卽生瘰也與夫宿血停凝結爲痞塊雖內外所感之不同治法當以類相從所爲醫者意也如以敗梳治蝨瘰銅屑治龍瘰麤蘗治米瘰石灰治酒瘰如此等類學者可以理解也 大全良方分
疔瘰諸氣疔瘰八瘰腹中癰血癰痞食癰血癰凡七
門瘰者在腹內近臍左右各有一條筋脈急痛大者
如臂次者如指因氣而成如弦之狀故名曰疔瘰瘰
僻在兩肋之間有時而痛故名曰瘰疔者痛也瘰者
假也其結聚浮假而痛推移乃動也八瘰者黃瘰青
瘰燥瘰血瘰脂瘰狐瘰蛇瘰鼈瘰積在腹內或腸胃

之間與臟氣結搏堅牢雖推之不移名曰癥言其病
形可徵驗也氣壅塞爲痞言其氣痞塞不宜暢也傷
食成塊堅而不移名曰食癥瘀血成塊堅而不移名
曰血癥若夫腹中瘀血則積而未堅未至於成塊者
也大抵以推之不動爲癥推之動爲瘕也至夫疝與
疝癖則與痛俱痛卽現不痛卽隱在臍左右爲疝在
兩肋之間爲癖在小腹而牽引腰脇爲疝恐學者一
時難了未免淆濫故總敘而條析之 張戴人過譙
遇一卒說出妻事戴人問其故答曰吾婦爲室女時
心下有冷積如覆杯按之如水聲以熱手熨之如水

娶來已十五年矣恐斷我嗣是故棄之戴人曰公勿

黜也如用吾藥病可除孕可得卒從之戴人診其脈

沉而遲尺脈洪大而有力非無子之候也可不踰年

而孕其良人笑曰試之先以三聖散吐涎一斗心下

平軟次服白朮調中湯五苓散後以四物湯和之不

再月氣血合度數月而娠二子戴人嘗曰用吾此法

無不子之婦此言不誣三聖散用防風瓜蒂各參兩

服製煎法詳見儒門事親白朮調中湯用白朮茯苓

各貳錢半為末白湯化蜜調服貳陽夏張主簿之

錢無時五苓散見傷寒渴門

妻病肥氣初如酒杯大發寒熱十五餘年後因性急

悲感病益甚惟心下三指許無病滿腹如石片不能

坐臥鍼灸匝矣徒勞人耳乃邀戴人診之曰此肥氣

也得之季夏戊巳日在左脇下如覆杯久不瘳令人

發痲痺以瓜蒂散吐之魚腥黃涎約一二缶至夜繼

用舟車丸通經散投之五更黃涎膿水相半五六行

凡有積處皆覺痛後用白朮散當歸散和血流經之

藥如斯涌泄凡三四次方瘳

瓜蒂散舟車丸方見雜病傷食痰飲二門通

經散用橘紅當歸甘遂以麵包不令透水煮百餘沸

用冷水浸過去麵曬乾三味各等分爲細末每服叁

錢臨臥溫淡酒調下白朮散白朮黃芩當歸各等

分爲末每服二三錢水煎食前服當歸散當歸杜

蒺藜等分爲末米飲調服食前此吐薛新甫云

婦人疝癖癥瘕大抵因飲食起居七情失宜虧損臟腑氣血乖違陰絡受傷循行失度所致 羅謙甫云

養正積自除必先調養使榮衛充實若不消散方可議下但除之不以漸則必有顛覆之害若不守禁忌縱情嗜慾其有不喪身者鮮矣 一婦人內熱作渴

飲食少思腹內初如雞卵漸大四寸許經水三月一至肢體消瘦齒頰似瘡脈洪數而虛左關尤甚此肝

脾鬱結之證外貼阿魏膏午前用補中益氣湯雜病傷勞

倦

午後用加味歸脾湯

即歸脾加山梔丹皮

兩月許肝火稍退

脾土少健午前補中益氣下六味丸雜病虛勞午後逍遙

散

調經

下歸脾丸又月餘日用蘆薈丸

本門之未

二服空心

以逍遙散下日晡以歸脾湯下喜其謹疾調理年餘

而愈 一婦人腹內一塊不時上攻或作痛有聲或

吞酸痞悶月經不調小便不利二年餘矣面色青黃

余以爲肝脾氣滯以六君加芎歸柴胡炒連木香吳

茱各少許二劑却與歸脾湯送下蘆薈丸三月餘肝

脾和而諸證退又與調中益氣湯加茯苓牡丹皮中

氣健而經自調 一婦人性多鬱善怒勤於女工小

腹內結一塊或作痛或痞悶月經不調恪服伐肝之

劑內熱寒熱胸膈不利飲食不甘形體日瘦牙齦蝕

爛此脾土不能生肺金肺金不能生腎水腎水不能生肝木當滋化源用補中益氣湯六味丸至仲春而愈 一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽余曰脾爲諸陰之首目爲血脈之宗此脾傷五臟皆爲失所不能歸於目也遂用補中益氣濟生歸脾二湯專主脾胃年餘而愈 松江太守何恭人性善怒腹結一塊年餘上齧蝕透血氣虛極時季冬肝脈洪數按之弦緊或用伐肝木清胃火之藥余曰真氣虛而邪氣實也恐伐肝木至春不能發生耳用

八珍湯以生氣血用地黃丸以滋腎水肝脉頓退因大怒耳內出血肝脉仍大煩熱作渴此無根之火也仍以前藥加肉桂二劑脉歛熱退復因大怒果卒於季冬辛巳日乃金尅木故也

通治諸積順氣丸

簡易

治三十六種風七十二般氣

去上熱下冷腰脚疼痛四肢困倦減食羸瘦顏色赤黃惡瘡下疳口苦無味憎寒毛聳癰癰氣塊男子世事斷絕女子久無子息久患瘡痢發成勞疾百節痠疼自嬰孩至百歲老人皆可服疎風順氣補精駐顏

錦紋大黃

伍兩一半生用
一半濕帛裏煨

車前子

貳兩半

白檳榔

貳兩

火麻子仁

微炒赤退殼取
貳兩淨另研入

川牛膝

酒浸
三夕

郁李仁

泡去皮
另研

山藥

兔絲子

酒蒸研焙
各貳兩

山茱萸肉

防風

枳殼

麩炒

獨活

各壹兩

右爲細末煉蜜丸如梧子大茶清粥飲下貳拾丸
百無所忌空心臨臥服一月消食二月去腸內宿
滯三月無倦少睡四月精神强盛五月耳目聰明
六月腰脚輕健一年消百病如服藥臟腑微動以
羊肚肺羹補之

勝紅丸

簡易

治脾積氣滯胸膈滿悶氣促不安嘔吐

清水丈夫酒積女人脾血積氣小兒食積

陳皮

青皮

京三稜

莪茂

貳味同
醋煮

乾薑

炮

良薑

炒各
壹兩

香附子

淨炒各
貳兩

一方加神麴麥芽

右爲末醋糊丸如梧子大每服參拾丸薑湯下

虛者宜以補藥下之

香稜丸

濟生

治一切積聚破痰癖消癥塊

木香

丁香

各半
兩

三稜

酒浸
壹夕

枳殼

麪炒

莪茂

細剉每壹兩用巴豆參拾粒去殼同炒待巴豆黃色

去巴豆
不用

青皮製

川楝子肉炒

藿香炒各等分

右末之醋煮麵糊丸如梧桐子大朱砂爲衣每三
拾丸薑鹽湯或溫酒下無時

大消石丸 治七癥八瘕聚結杯塊及婦人帶下絕
產腹中有癥瘕者當先下此藥但去癥瘕令人不
困

消石參兩

大黃肆兩

人參

甘草各壹兩

右爲末以三年苦酒參升置銅石器中先內大黃

微火熬微沸常攪不息至七分內餘藥復熬成膏
至可丸卽丸如梧桐子大每服叁拾丸米飲下三
日一服婦人服之或下如雞肝或如米泔赤黑等
物二三升後忌風冷

阿魏膏 治一切痞塊

羌活

獨活

元參

官桂

赤芍藥

穿山甲

生地黄

兩頭尖

大黃

白芷

天麻

各伍錢

槐柳桃枝

叁錢

紅花

肆錢

木鼈子

拾枚
去殼

亂髮

壹團如
雞子大

右用香油二斤四兩煎黑去粗入髮煎髮化仍去粗徐下黃丹煎軟硬得中入芒硝阿魏蘇合油乳香沒藥各伍錢麝香叁錢調勻卽成膏矣攤貼患處黃丹須用真正者方效凡貼膏藥先用朴硝隨患處鋪平半指厚以紙蓋用熱熨斗熨良久如硝耗再加熨之二時許方貼膏藥

八瘕病源曰八瘕者皆胞胎生產月水往來血脈精氣不調之所生也腎爲陰主開閉左爲胞門右爲子戶主定月水生子之道胞門子戶主子精神氣所出入合於中黃門玉門四邊主持開元禁閉子精臍下

三寸名曰關元主藏竈魄婦人之胞三焦之府常所
從止然婦人經脈俞絡合調則月水以時來至故能
生子而無病婦人榮衛經絡斷絕不通邪氣便得往
來入合於臟若生血未盡而合陰陽卽令婦人血脈
攣急小腹重急支滿胸脇腰背相引四肢痠痛飲食
不調結牢惡血不除月水不時或月前月後因生積
聚如懷胎狀邪氣甚盛者令人恍惚多夢寒熱四肢
不欲動陰中生氣腫內生風甚者小便不利苦痛如
淋狀面目黃黑歲月久卽不復生子也 薛氏曰經
云氣主噓之血主濡之若血不流則凝而爲瘕也瘕

者中雖硬而忽聚忽散多因六淫七情飲食起居動傷臟腑而成當與疝癖諸證治同慎勿復傷元氣

黃瘕者婦人月水始下若新傷墮血氣未止臥寢未定五臟六腑虛羸精神不足因向大風便利陰陽開闔關節四遠中於風濕氣從下上入於陰中稽留不去名爲陰虛則生黃瘕黃瘕之聚令人苦四肢寒熱身重淋露臥不欲食左脇下有氣結牢不可得抑若腰背相引痛月水不利令人不產小腹急下引陰中如刺不得小便或時寒熱下赤黃汁令人無子當刺關元氣衝行以毒藥瘕下卽瘳